

Stórhættulegur efnaíðnaður inni í miðju íbúðahverfi, segir Guðrún Jónsdóttir. Umhverfið er einkar ógeðfellt fyrir bragðið á horni Seljavegs og Vesturgötu.

„Fylgjum málinu fast eftir“

segir Guðrún Jónsdóttir, borgarráðsmaður Kvennaframbóðs, um efnaverksmiðjumálið

„Borgarstjóri hefur eflaust talið sig vera í laga- legum rétti til að undirrita framlengingu lóðasamnings við Kolsýruhleðsluna en síðferðilegan rétt hafði hann engan því það var greinilegur vilji borgarráðs að ræða málið betur áður en frekar væri aðhafst í því“, sagði borgarráðsmaður Kvennaframbóðs, Guðrún Jónsdóttir, í samtali við Þjóðviljann í gær.

„Við kynntumst þessu máli fyrst í kosningabaráttunni og þá kom ljós að fyrri meirihluti hafði samþykkt að eðlilegt væri að framlengja lóðasamningi við Kolsýruhleðsluna sf. til 10 næstu ára. Það var gert á fundi ráðsins í nóvember 1981. Eftir að ég kom inn í borgarráð var umræðum um

málið haldið áfram á þeim vettvangi og það fékkst svo ákveðið á fundi 17. ágúst að fresta undirritun samnings þar til við hefðum rætt þetta ofan í kjölinn. Við fengum send öll gögn varðandi málið fyrir fund nú 24. ágúst en þegar átti að taka málefni Kolsýruhleðslunnar á dagskrá upplýsti

borgarstjóri okkur um að hann hefði þegar undirritað lóðaleigusamninginn og gert það sunnudaginn 22. ágúst. Hér er ekki aðeins um það að ræða að borgarráði hafi verið sýnd einstök lítilsvirðing heldur veitir borgarstjóri öllum borgarbúum kjafthögg með þessari afgreiðslu sinni“, sagði Guðrún Jónsdóttir ennfremur.

— En hvað með rekstur verk- smiðjunnar Eims?

„Það er ásetningur okkar hjá Kvennaframbóðinu að fylgja kröfum íbúanna í því máli eftir af fullum krafti á vettvangi borgarstjórnar. Eimur framleiðir kolsýru og þar er um stórhættulegan efnaíðnað að ræða inni í miðju íbúðahverfi og við hljótum að styðja með öllum ráðum þá lag-

Guðrún Jónsdóttir borgarráðsmaður Kvennaframbóðs: Afgreiðsla borgarstjóra kjafthögg á alla borgarbúa.



markskröfu íbúanna að starfsemi fyrirtækisins verði flutt annað hið bráðasta“, sagði borgarráðsmaður Kvennaframbóðs, Guðrún Jónsdóttir, að síðustu.

— v.


Ennþá hækkar pósturinn

Ný gjaldskrá fyrir pósthjónustu tekur gildi 1. september næstkomandi. Samkvæmt henni verður burðargjald bréfa af fyrsta þyngdarflokki (20g) innanlands og til Norðurlanda 3,50 kr. til annarra landa 4,00 kr. og flugburðargjald til landa utan Evrópu 7,00 kr.

Burðargjald fyrir póstkort og prent af fyrsta þyngdarflokki (20g) verður 3,00 kr. nema flugburðargjald til landa utan Evrópu, sem verður 3,50 kr. Gjald fyrir giróþjónustu verður 4,50 kr. fyrir almennar póstaðvísanir 8,00 kr. símapóstaðvísanir 36,50 kr. og póstkörfur 15,00 kr. (10,50 kr. ef um innborgun á póstgiróreikning er að ræða).

Burðargjöld böggla innanlands verður sem hér segir: 1 kg. 17,00 kr. 3 kg 20,00 kr. 5 kg 31,00 kr. 10 kg 48,00 kr. 15 kg 70,00 kr. 20 kg 78,00 kr.

Abyrgðargjald verður 7,50 kr. og hrabðbagjald 16,50 kr.



MÁLAD Á POSTULÍN

Lisbeth Hansen, postulinsmálari málar hið fræga mynstur „Empire“ á postulinsdisk frá Bing og Gröndahl, en listsýning fyrirtækisins var opnuð í gær að Kjarvalsstöðum. Sýningin er aðeins opin í fim m daga, en þess má geta að munirnir á sýningunni sem sumir eru frá því fyrir aldamót, eru tryggðir fyrir 2 millj. danskra króna. Sýningin er opin daglega frá 14—22 og er aðgangur ókeypis.

Nýjar bækur frá Íðunni:

Frá galdramálum til Hallærisplans

Íðunn gefur út meira en hundrað bækur á þessu ári og meðal þeirra eru ný verk eftir Þorstein frá Hamri, Svövu Jakobsdóttur, Anton Helga Jónsson, Njörð, Njarðvík og Flosa Ólafsson. Þrjár nýjar ljóðabækur koma út hjá Íðunni. Spjótalög á spegli nefnist bók Þorsteins frá Hamri og Ljóðvega gerð er þriðja bókin í flokki Sigurðar Pálssonar um „ljóðvegina“. Þá kemur og út fyrsta ljóðabók Guðrúnar Svövu Svavarsdóttur myndlistarmanns og nefnist „Þegar þú ert ekki“. Í frétt frá forlaginu segir að höfundur segi „á hreinskilinn og einlægán hátt frá sambandi sínu og Þorsteins frá Hamri“.

Hjá Íðunni kemur út safn áður óbirtra smásagna eftir Svövu Jakobsdóttur. Einnig þriðja bók Audar Haralds og fyrsta skáldsaga hennar — Ævintýri fyrir rosknar vonsviknar konur. Út kemur söguleg skáldsaga eftir Njörð P. Njarðvík sem heitir Daðamenn og fjallar um galdramál sautjándu aldar. Anton Helgi Jónsson ljóðskáld er á ferð með fyrstu skáldsögu sína sem heitir Vinur vors og blóma. Hallærisplanit heitir fyrsta bók ungs höfundar Páls Pálssonar, og segir eins og nafnið bendir til frá unglingalífi í Reykjavík.

Íðunn gefur út heimildapætti eftir Hannes skáld Pétursson, frásagnir af sérstæðum persónum sem nefnast Erlend andlit eftir Ingólf Margeirsson og æskuminnningar Flosa Ólafssonar sem heita í Kvosinni. Eftir Einar Braga kemur út Hrakfallabálkurinn — víðtöl við Plum kaupmann í Ólafsvík.

BHM mót- mælir skerðingu verðbóta

Launamálaráð BHM hefur sent frá sér ályktun þar sem harðlega er mótmælt þeirri skerðingu verðbóta sem felst í bráðabirgðalögum ríkisstjórnarinnar.

Hér er einn einu sinni gengið á gerða samninga með lagasetningu, en slíkar lagasetningar eru nú orðnar svo algengar að það er nánast öfugmæli að tala um að hér ríki frjáls samningsréttur, segir í ályktuninni.

Þá segir að sú vitistöluskerðing sem ASÍ samdi um hafi nú verið lögfest gagnvart öðrum launþegum og er ASÍ í krafti stærðar sinnar þar með fenginn í hendur samningsréttur fyrir alla aðra launþega í landinu.

Ríkisstarfsmenn hafa þó ekki fengið þá launahækkun sem ASÍ samdi um, en hún er talin vera 9,5%. Þá segir í ályktuninni að stór hluti ríkisstarfsmanna innan BHM séu láglaunamenn. Þeir hafi sént mikið langlundagæði og verði ályktunin að gert hljóti að koma til uppsagna.